

ՀԱՅԱՍՏԱՆԻ ՏԵՂԱԿԱՆ ՍՈՎԵՏՆԵՐԸ
ԱՆԳՐԱԳԻՏՈՒՅԱՆ ՎԵՐԱՑՄԱՆ ՀԱՄԱՐ ՄՂՎԱԾ ՊԱՅՔԱՐՈՒՄ
(1921—1940)

ՀԱՅԿԱԶ ՀՈՎՀԱՆՆԻՍՅԱՆ

ՍՍՆՄ-ում կուլտուրական հեղափոխության իրականացման կարևորագույն խնդիրներից մեկը անգրագիտության վերացումն էր: Դա բնական էր և հասկանալի, քանի որ մեր երկրի բնակչության շուրջ 85%-ն անգրագետ էր, իսկ աղյուսակի շրջաններում այդ տոկոսը շատ ավելի բարձր էր: «Անգրագետ երկրում կոմունիստական հասարակություն կառուցել չի կարելի»¹, — ասել է Վ. Ի. Լենինը: Վ. Ի. Լենինը նոր կարգերի դարգացման գլխավոր ուժը տեսնում էր դեմոկրատիզմի, աշխատավորների կենդանի ստեղծագործության մեջ, — ընդգծեց ՍՄԿԿ Կենտկոմի գլխավոր քարտուղար Մ. Ս. Գորբաչովը կուսակցության XXVII համագումարին տված ֆաղաքական հաշվետվությանում: — Նա, ինչպես ուրիշ ոչ ոք, հավատում էր ժողովրդին, հոգում մասսաների քաղաքական ակտիվության և կուլտուրայի բարձրացման մասին, ընդգծելով. որ անգրագետ մարդը քաղաքականությանից դուրս է կանգնած»²: Ահա թե ինչու Հոկտեմբերյան սոցիալիստական մեծ հեղափոխության հաղթանակից անմիջապես հետո սովետների երկիրը կոմունիստական կուսակցության առաջնորդությամբ ձեռնամուխ եղավ այդ դժվարին, բայց և հույժ կարևոր խնդրի իրագործմանը:

Վ. Ի. Լենինի անմիջական նախաձեռնությամբ 1919 թ. դեկտեմբերի 26-ին հրապարակվեց ՌՍՖՍՀ բնակչության անգրագիտության վերացման մասին նշանավոր դեկրետը: Լենինյան այդ դեկրետում առաջադրված դրույթներն ուղենիշ հանդիսացան սովետական բոլոր հանրապետություններում, այդ թվում և Սովետական Հայաստանում անգրագիտության վերացման գործի կազմակերպման համար: 1921 թ. սեպտեմբերի 21-ին Ալ. Մյասնիկյանի ստորագրությամբ հրապարակվում է դեկրետ «Հայաստանի սահմաններում անգրագիտությունը վերացնելու մասին»: Այդ դեկրետի համաձայն 16—50 տարեկան բոլոր անգրագետները պարտավոր էին գրագիտություն սովորել մայրենի լեզվով հատուկ դպրոցներում³:

Անգրագիտության վերացման հարցը դարձավ համաժողովրդական գործ: Կոմունիստական կուսակցության գլխավորությամբ այդ գործին լծվեցին արհմիությունները, կոմերիտիությունը, քաղլուսավորության մարմինները, ուսուցիչները, «Կորչի անգրագիտությունը» ընկերությունները և այլ ուժեր: Անգրագիտության վերացման գործում մեծ ավանդ ունեն նաև աշխատավորների դեպուտատների սովետները:

Սովետական Հայաստանում կուլտուրական շինարարության և նրա կարևոր հարցերից մեկի՝ անգրագիտության վերացման համար մղված պայքարը բավականին հանգամանորեն ուսումնասիրվել է սովետահայ պատմաբանների կողմից (Կ. Խուդավերդյան, Ա. Աբրահամյան, Զ. Գրիգորյան, Վ. Ղա-

1 Վ. Ի. Լենին, ԵԼԺ, հ. 41, էջ 375:

2 «Սովետական Հայաստան», 26. II. 1926:

3 «ՀՍԽՀ դեկրետների և հրամանների ժողովածու», էջմիածին, 1921, էջ 63:

զանցյան և ուրիշներ)⁴։ Սակայն նրանց ուսումնասիրության շրջանակներից դուրս է մնացել այնպիսի կարևոր հարց, ինչպիսին հանրապետության սովետների խաղացած դերի բացահայտումն է անգրագիտության վերացման համար մղված պայքարում։

Հայաստանի սովետների առաջնահերթ գործը եղավ հանրապետությունում անգրագիտ բնակչության հաշվառումը։ Այդ նպատակով հեղինակները ստեղծեցին հատուկ հանձնաժողովներ, որոնք, շրջելով բնակավայրից-բնակավայր, տեղերում ուսումնասիրելով իրավիճակը, կազմեցին անգրագիտների ցուցակները։ Հաշվառման ենթարկված անգրագիտները ներգրավվեցին անգրագիտության վերացման խմբակներում։ Սովետական իշխանության հաստատման առաջին իսկ տարում Հայաստանի գրեթե բոլոր գավառներում սկսեցին գործել անգրագիտության վերացման խմբակներ, որոնք գործումն աջակցություն էին ստանում սովետների կողմից։

Անգրագիտության վերացման գործով լայն աշխատանք ծավալեցին գավառներում կազմակերպված քաղաքական լուսավորության բաժինները (քաղլուսբաժիններ)։ Այսպես, 1922 թ. հունվարի 25-ին կազմակերպվում է Երևանի գավառի քաղլուսբաժինը, որի նույն թվականի հաշվետվության մեջ նշվում է, որ «քաղաքում արդեն կազմակերպված են 16 անգրագիտության խմբակներ։ Ուսուցիչների թիվը հասնում է 15-ի, որոնք անցել են իրենց պարտականությունների կատարմանը։ Մեր ուղարկած հանձնաժողովները անցել են անգրագիտների ցուցակագրմանը, մոբիլիզացիոն են տեղական կարող ուժերին և բացել են անգրագիտության վերացման կայաններ»։ Զեկուցագրում հաղորդվում էր նաև, որ անգրագիտության վերացման խմբակներ են բացվել Ախտալի (այժմ Հրազդան) շրջանի 19 և Կոտայքի (այժմ Աբովյան) շրջանի 14 գյուղերում։ Իսկ Բաշդյառնու շրջանում (այժմ Գառնի) գործող լիկկայաններում սովորող 180 անգրագիտներից 60-ը արդեն վերացրել էին իրենց անգրագիտությունը⁵։

Անգրագիտության վերացման հարցը քննարկման էր դրվում սովետների ամենատարբեր խորհրդակցություններում, հասարակական ժողովներում, համագումարներում և մշակվում էին համապատասխան միջոցառումներ։ Այսպես, Նոր Բայազետի (այժմ Կամո) գավառային գործադիր կոմիտեի 1923 թ. մայիսի 25-ին տեղի ունեցած նիստի որոշման մեջ առաջնահերթ խնդիր է համարվում անգրագիտության դեմ պայքարի ծավալման անհրաժեշտությունը։ Նիստում որոշում է կայացվում նաև գյուղերում կազմակերպել լիկկայաններ, դրանց աշխատանքներում ներգրավելով ուսուցիչներին և այն անձանց, ովքեր կարող էին սովորեցնել անգրագիտներին⁶։

Այսպիսով, առաջին քայլերը, որոնք հանրապետության սովետների կողմից իրագործվեցին անգրագիտության վերացման գործը կանոնավորելու նպատակով, զգալի էին և հուսադրող։ 1923 թ. Երևանի գավառում գործում էին 56, Զանգեզուրում՝ 40, Լոռի-Փամբակում՝ 39, Դարալագյազում (այժմ Եղեգնաձոր)՝ 20, էջմիածնում՝ 50, Նոր Բայազետում՝ 30, Դիլիջանում՝ 21 և Մեղրիի գավառում 10 լիկկայաններ⁷։ Նկատելի էին նաև որակական տեղաշարժերը։ Այսպես, եթե 1922 թ. Ալեքսանդրապոլի (այժմ Լենինական) գավառում գոր-

⁴ К. С. Худавердян, Культурная революция в Советской Армении, Ереван, 1966, его же, Культурное строительство в годы первой пятилетки, Ереван, 1959; Ա. Արրահամյան, Ժողովրդական կրթության նվաճումները Սովետական Հայաստանում, Երևան, 1959, Զ. Գրիգորյան, Հայ և ռուս ժողովուրդների բարեկամությունը (Հետհոկտեմբերյան ժամանակաշրջան), Երևան, 1967, Վ. Ղազանջյան, Սովետահայ կուլտուրայի առաջին քայլերը, Երևան, 1964։

⁵ Հոկտեմբերյան հեղափոխության և սոցիալիստական շինարարության պետական կենտրոնական արխիվ (այսուհետև՝ ՀՍՍՀ ՀՄԿ ՊԿԱ), ֆ. 133, ց. 1, գ. 656, թ. 4, 74։

⁶ Հեղորդային Հայաստան, 15. VI. 1923։

⁷ ՀՍՍՀ ՀՄԿ ՊԿԱ, ֆ. 122, ց. 1, գ. 815, թ. 9։

ծում էին 33 լիկկայաններ, որտեղ հաճախում էին 478 անգրագետներ, ապա հաջորդ տարում անգրագիտության վերացման կայանների թիվը հասնում է 56-ի, որտեղ գրագիտություն էր սովորում 1094 մարդ⁸:

Գնահատելով անգրագիտության վերացման առաջին տարիների դրական արդյունքները՝ միաժամանակ պետք է նկատել, որ աշխատանքներն այդ ուղղությամբ իրականացվում էին ոչ բավարար պլանաչափ: Այսպես, անգրագիտության վերացմանը խանգարում էր նյութական միջոցների անբավարարությունը: Օրինակ, 1922 թ. Նրևանի գավառի քաղաքում գործադիր կոմիտեին հայտնում էր, որ «այն միջոցները, որոնք մինչև այժմ տրամադրվել են քաղաքում, բոլորովին չեն համապատասխանում այն ժանրակշիռ նպատակին, որ դրված է նրա առջև»: Մեղրու գավառի կոմիտեի 1923 թ. ապրիլի 1-ին կայացած նիստում նշվում է, որ լիկկայանների աշխատանքը գյուղերում կաղում է, որովհետև քաղաքում, դուրկ լինելով տնտեսական միջոցներից, չի կարողացել նրանց կարիքները հոգալ⁹: Գործին խանգարում էին շատ թե քիչ հարմարավետ շենքերի բացակայությունը և տեխնիկական անհարմարությունները: Սուր կերպով էր զգացվում նաև փորձված և հմուտ ուսուցիչների կարիքը: Շատ լիկկայաններում չէին բավականացնում ամենամանհրաժեշտ գրագիտությունները, վատ էր համապատասխան դասագրքերով ապահովելու գործը: Այսպես, Նրևանի քաղաքում 1922 թ. ղեկուցագրում ասվում էր. «Պետք է խոստովանել, որ անգրագիտության վերացման գործը տարվել է վերին աստիճանի դժվարին պայմաններում: Նմանքները իրենց տրամադրության տակ չեն ունեցել դասագրքեր և բավարար քանակությամբ գրենական պիտույքներ»¹⁰: Էջմիածնի գավառի քաղաքում 1923 թ. տարեկան ղեկուցագրում այդ կապակցությամբ ասվում էր, որ «գավառի բնակչության միայն 17% -ն է գրագետ: Պարապմունքները տարվել են անբավարար կերպով, տեխնիկական անհարմարությունների պայմաններում»¹¹:

Անգրագիտության վերացմանը խանգարում էին դաշտային աշխատանքները, որոնց սկսվելուն պես շատ լիկկայաններ ուղղակի դադարում էին գործել: Չկար այդ գործը աշխատանքից հետո կազմակերպելու ճկունություն, բացակայում էին դաշտային շրջիկ լիկկայանները: Այդ առումով բնութագրական է Ալեքսանդրապոլի գավառի Ղազանչու շրջանային գործադիր կոմիտեի լուսավորության բաժնի 1923 թ. տարեկան հաշվետվությունից հետևյալ հաղորդումը. «Մարտ ամսվա ընթացքում ունեցել ենք 9 լիկկայան՝ 183 սովորողներով: Նույն ամսի 15-ից բոլորն էլ աստիճանաբար քայքայվել են և լիկվիդացիայի ենթարկվել, քանի որ սովորողները գնացել են աշխատանքի»¹²:

Որոշ գավառներում անգրագիտության վերացման աշխատանքներն ընթանում էին բավականին դանդաղ, մեծ էին ունկնդիրների բացակայությունները: Էջմիածնի գավառային հեղկոմի 1921 թ. ղեկուցագրում ասվում էր, որ «անգրագիտության վերացումը, չնայած մեր հրահանգներին, արագ չի կատարվում»¹³: Նույն գավառի հեղկոմին ուղարկված գրության մեջ լուսավորության բաժինը հաղորդում էր, որ «անգրագետ բանվորները գրագիտության դասերին չեն հաճախում: Դասատուները ամեն օր սպասում են նրանց դպրոցում, բայց յուրաքանչյուր խմբից գալիս են 2—6 հոգի, որոնց հետ պարապելն էլ անհնար է»¹⁴:

⁸ Նույն տեղում, ֆ. 131, ց. 3, գ. 495, թ. 2:

⁹ Նույն տեղում, ֆ. 133, ց. 1, գ. 153, թ. 27:

¹⁰ Նույն տեղում, ֆ. 112, ց. 2, գ. 162, թ. 62:

¹¹ Նույն տեղում, ֆ. 112, ց. 2, գ. 762, թ. 62:

¹² Նույն տեղում, ֆ. 134, ց. 1, գ. 36, թ. 28:

¹³ Նույն տեղում, ֆ. 131, ց. 7, գ. 93, թ. 18:

¹⁴ Նույն տեղում, ֆ. 143, ց. 1, գ. 153, թ. 27:

¹⁵ Նույն տեղում, գ. 139, թ. 48:

Հասկանալի է, որ նման իրավիճակն անհրաժեշտաբար պահանջում էր դիմել անգրագիտության վերացման կազմակերպական նոր լուծումների: Եվ 1923 թ. նոյեմբերին ստեղծված «Կորչի անգրագիտությունը» ընկերությունը (ԿԱՆ) անգրագիտության դեմ պայքարի պատմության կարևոր իրադարձությունը հանդիսացավ: Այդ ընկերության առաջին նախաձեռնողները սովետներն էին: ԿԱՆ-ի կենտրոնական խորհուրդը ղեկավարում էր համամիութենական կենտրոնական գործադիր կոմիտեի նախագահ Մ. Ի. Կալինինը: Շուտով անգրագիտության վերացման ընկերություններ ստեղծվեցին նաև Սովետական Հայաստանում՝ ՀՍՍՀ Կենտգործկոմի նախագահի տեղակալ Ռ. Պ. Դաշտոյանի նախագահությամբ: «Կորչի անգրագիտությունը» ընկերության հիմնական նպատակը գյուղում կատարվող աշխատանքն էր: Սովետների կողմից անգրագիտության դեմ պայքարի ուժեղացման գործունե ձևերից էին առանձին օրերի, շաբաթների և միամսյակների անցկացումը, որոնք մշտական էին դարձել: Նրանց աշխատանքում: Այդ օրերին լայն կամպանիա էր ծավալվում անգրագետների լիկկայաններում ներգրավելու ուղղությամբ, նրանց հետ դույցներ էին կազմակերպվում գիտելիքների դերի մասին, տրվում էին դասադրքեր և այլն: Այսպես, օրինակ, 1924 թ. հունիսի 5—12-ը Ծրեանի գավառային գործադիր կոմիտեի նախաձեռնությամբ գավառում անց է կացվում անգրագիտության վերացման շաբաթ, որի ընթացքում գավառիկումի պատասխանատու աշխատողները քաղցրավարի հետ միասին այցելում են լիկկայաններ և, տեղում ուսումնասիրելով անգրագիտության վերացման աշխատանքների վիճակը, ցույց են տալիս անհրաժեշտ օգնություն՝ գործը բարելավելու համար¹⁶: Այդ օրերը նշանավորվում էին նաև նրանով, որ բացվում էին անգրագիտության վերացման նոր խմբեր, կազմակերպվում էին նոր լիկկայաններ:

Հատկապես մեծ ուշադրություն էր նվիրվում բնակչության շրջանում ագիտացիոն աշխատանքի ծավալմանը: Սովետների կողմից հրապարակվում են լուզուզներ, կոչեր և պլակատներ, որոնք լայն տարածում էին ստանում բնակչության շրջանում: Ամենուր կարելի էր կարդալ ժողովրդին ուղղված այսպիսի կոչեր. «Միավորվենք միահամուռ կերպով հաղթահարելու խավարը», «Զինենք յուրաքանչյուր բանվորի ու գյուղացու գիտության զենքով», «Գրագետ աշխատավորը ավելի արագ կընթանա դեպի կոմունիզմ», «Գրագետ, դու անգրագետին պարտք ունես, սովորեսցրու նրան»:

Գնալով ավելանում էին լիկկայանների քանակը և գրանցում սովորողների թիվը: Զանգեզուրի գավառային գործադիր կոմիտեի 1924 թ. հոկտեմբերի հաշվետվությունում ասված է, որ գավառում գործում են 35 լիկկայաններ, իսկ ըստ նույն թվականի դեկտեմբեր ամսվա հաշվետվության, լիկկայանների թիվը հասնում է 58-ի¹⁷: Նոր Բայազետի գավառում 1923 թ. գործող 16 լիկկայանների փոխարեն 1924 թ. գործում էր 46-ը¹⁸, էջմիածնի գավառային գործադիր կոմիտեն 1924 թ. մարտի 29-ին որոշում է սեփական միջոցներով բաց անել անգրագիտության վերացման 20 նոր կայան և պատշաճ վարձատրել ուսուցիչներին¹⁹: Ալավերդու (այժմ Թումանյան) շրջանային գործադիր կոմիտեն 1924 թ. ապրիլին պղնձամոլիբդենային գործարանի բանվորների համար բացում է անգրագիտության վերացման 6 խմբակ²⁰:

Անգրագիտության վերացման աշխատանքների ընդհանուր համակարգում տեղական սովետները զգալի տեղ էին հատկացնում նաև զինակոչիկների անգրագիտության վերացմանը: Հանրապետության սովետներին կից կազմակերպվում են այդ խնդրով զբաղվող հատուկ հանձնաժողովներ: Այսպես, էջմիածնի գավառային գործադիր կոմիտեն 1923 թ. նոյեմբերի 28-ին, քննար-

¹⁶ Նույն տեղում, ֆ. 133, ց. 1, գ. 401, թ. 28:

¹⁷ Նույն տեղում, ֆ. 132, ց. 1, գ. 60, թ. 74, 89:

¹⁸ Նույն տեղում, ֆ. 112, ց. 2, գ. 845, թ. 33:

¹⁹ «Խորհրդային Հայաստան», 2. IV. 1924:

²⁰ Նույն տեղում, 15. IV. 1924:

եկում ունակ ուղիների անգրագիտության վերացման հարցը, որոշում է այդ աշխատանքների ղեկավարման համար ստեղծել գավառային հանձնաժողով²¹, Հատկապես մեծ ուշադրություն է դարձվում կարմիր բանակի զորամիավորումների, մասնավորապես հայկական դիվիզիայի մարտիկների անգրագիտության վերացմանը:

Հայաստանի սովետների IV համագումարը (1925 թ. մարտ) գոհունակությամբ արձանագրում է անգրագիտության վերացման գործում հանրապետությունում ձեռք բերված նվաճումները: Այսպես, եթե 1922—23 ուսումնական տարում հանրապետությունում գործել են 316 լիկայաններ՝ 6403 ունկնդիրներով, ապա 1925 թ. լիկայանների թիվը հասնում է 505-ի, իսկ ունկնդիրների թիվն անցնում է 14 հազարից²²:

Սովետական իշխանության հաստատման առաջին իսկ օրերից սկսած հանրապետության տեղական սովետները ձեռնամուխ եղան նաև ազգային փոքրամասնությունների անգրագիտության վերացման գործին: Արդեն 1923 թ. միայն Երևանի գավառում գործում էին ազգային փոքրամասնության յոթ լիկայաններ²³: 1924 թ. ադալիսի շորս լիկայաններ էին գործում Ջանգեղուրի գավառում²⁴, իսկ 1925 թ. Երևանի գավառում բացված 9 նոր լիկայաններից 6-ը ազգային փոքրամասնության լիկայաններ էին²⁵: Հատկանշական էր, որ դրանց թիվը գնալով աճում էր: 1928 թ. հանրապետությունում գործում էին 61 ադրբեջանական, 13 ռուսական, 8 քրդական, մեկական հունական և ասորական լիկայաններ, որոնցում գրագիտություն էր սովորում 2155 մարդ²⁶:

Հանրապետության սովետներն արժանի ներդրում ունեցան նաև կուլտարաշարժի աշխատանքներում, կուլտակցական կազմակերպությունների ղեկավարությամբ գլխավորելով դրա կազմակերպումն ու անցկացումը: Այսպես, Հայաստանի սովետների ակտիվ մասնակցությամբ ընթացավ 1928 թ. հոկտեմբերի 25-ից մինչև նոյեմբերի 1-ը հանրապետությունում անցկացված անգրագիտության վերացման շաբաթը: Այդ ընթացքում սովետներն իրագործեցին միջոցառումների լայն ծրագիր: Այն փաստը, որ հայտարարված շաբաթվա շրջանում հոկտեմբերի 28-ը, հատկացվել էր տեղական սովետներին, վկայում է այդ գործում տեղական սովետների մեծ դերի մասին:

Սովետները հատուկ նշանակություն էին տալիս ուսուցիչների հետ տարվող աշխատանքներին, մասնավորապես նպատակ հետապնդելով ուսուցիչներին ավելի լայնորեն ներգրավել անգրագիտության վերացման աշխատանքներին և նրանց դարձնել դրա կենսագործման կարևոր օղակներից մեկը: Դրա շնորհիվ հանրապետության ուսուցչությունն անմնացորդ նվիրվեց անգրագիտության վերացման գործին, այն համարելով իր քաղաքացիական պարտքը: Այսպես, Ալեքսանդրապոլի գավառի Թալինի շրջանի ուսուցիչներն իրենց հիմնական աշխատանքից դուրս օրական երկու ժամ տրամադրում էին հասակավորների անգրագիտության վերացմանը²⁷:

Այս ամենով հանդերձ, Հայաստանի ազգաբնակչության գրագիտության աստիճանը դեռևս հեռու էր բավարար համարվելուց: 1929 թ. ապրիլին կայացած Հայաստանի սովետների VI համագումարը, լսելով լուսավորության ժողովում Ա. Մուվյանի զեկուցումը, արձանագրում էր, որ հանրապետությունում դեռևս ստվար թիվ են կազմում անգրագետները: Եվ չնայած այն բանին, որ 1925—1926 թթ. համեմատությամբ 1929 թ. մոտ տասը հազարով գրագետ մարդկանց թիվը ավելացել էր, այնուամենայնիվ անգրագիտության վերացման

21 ՀՍՍՀ ՀՀՍԾ ՊԿԱ, ֆ. 133, ց. 1, գ. 22, թ. 243:

22 «ՀՍՍՀ Խորհուրդների շրջանում համագումարը», Երևան, 1925, էջ 26:

23 ՀՍՍՀ ՀՀՍԾ ՊԿԱ, ֆ. 112, ց. 1, գ. 135, թ. 65:

24 Նույն տեղում, ֆ. 132, ց. 1, գ. 66, թ. 74:

25 Նույն տեղում, ֆ. 133, ց. 1, գ. 210, թ. 112:

26 Նույն տեղում, ֆ. 112, ց. 3, գ. 513, թ. 444:

27 Նույն տեղում, ց. 2, գ. 1059, թ. 215:

խնդրի իրագործումը մնում էր սրպես կարևորագույն գործ, «որից չենք կարող խուսափել և որը պետք է կատարել», — նշվում էր համագումարի բանաձևում²⁸, Համագումարը տեղական սովետներին պարտավորեցրեց լրջորեն զբաղվել անգրագիտության վերացման գործով:

1929 թ. մայիսի 17-ին ՀամԿ(բ)Կ Կենտկոմն ընդունեց «Անգրագիտության վերացման աշխատանքների մասին» որոշումը, որտեղ հանգամանորեն վերլուծվում էին այդ ուղղությամբ Միությունում կատարվող աշխատանքները, նշվում էին ուղիներն ու միջոցները, որոնք պետք է ապահովվեին անգրագիտության վերացման աշխատանքների արմատական բարելավումը: ՀամԿ(բ)Կ Կենտկոմն անհրաժեշտ էր համարում անգրագիտության վերացման ուսուցման ողջ սիստեմի արմատական վերակառուցումը: Առաջնորդվելով ՀամԿ(բ)Կ Կենտկոմի որոշումներով, Հայաստանի տեղական սովետները, կուսակցական կազմակերպությունների գլխավորությամբ, լայն աշխատանք ծավալեցին անգրագիտության վերացումը որակական նոր աստիճանի բարձրացնելու ուղղությամբ: Այսպես, անգրագիտության վերացման հարցը հատուկ քննարկվում է Հայաստանի Կենտգործկոմի նախագահության 1929 թ. հոկտեմբերի 9-ի նիստում, որը հանրապետության տեղական սովետներին պարտավորեցնում էր կոնկրետ միջոցառումներ ձեռնարկել անգրագիտության վերացման գործում եղած թերությունները վերացնելու ուղղությամբ: Կենտգործկոմի նախագահությունը մասնավորապես առաջարկում էր խիստ հսկողություն սահմանել ընդունված որոշումների անշեղ կենսագործման ուղղությամբ, լրիվ օգտագործել այդ նպատակին հատկացված գումարները, ինչպես նաև միջոցներ ձեռնարկել անգրագիտության վերացմամբ զբաղվող բոլոր օղակների միջև գործնական կապ հաստատելու համար²⁹, լենինականի շրջանային գործադիր կոմիտեի 1930 թ. հաշվետվության մեջ կարդում ենք. «այս ուսումնական տարում մեր աշխատանքի առանցքն է կազմել անգրագիտության վերացման գործը: Գրագիտության դպրոցների ցանցը և նրանց բուլեզն աճել է մեծ չափով»³⁰: Ղափանի շրջանում նախորդ տարվա 26 լիկկայանի փոխարեն 1929 թ. կար 40 լիկկայան³¹, Նոր Բաղնուրի գավառի գավառի 1929 թ. հաշվետվությունը հաստատում է, որ գավառում լայն ծավալ է ստացել նոր լիկկայանների բացումը³²: Զանգեզուրի գավառային գործադիր կոմիտեի նախաձեռնությամբ 1929 թ. դեկտեմբերի 8—15-ը գավառում անցկացվում է անգրագիտության վերացման շաբաթ: Այդ օրերին գավառի բոլոր գյուղերում հրավիրվում են համայնքների ժողովներ, որոնցում մշակվում են կոնկրետ պլաններ՝ գրագիտության տարածման ուղղությամբ: Գավառի գործկոմի որոշմամբ սննդի օբյեկտների եկամուտի 10%—ը հատկացվում է անգրագիտության վերացման ֆոնդին³³: Գորիսի շրջանային սովետը շրջանի գյուղերն է ուղարկում մանկավարժական տեխնիկումի ուսանողներից կազմված հատուկ բրիգադներ՝ լիկկայաններին անմիջական օգնություն ցույց տալու համար³⁴: Գորիսի շրջանի լիկկայաններում 1931 թ. ընդգրկված էր շուրջ 3 հազ. մարդ. 1929 թ. 25 լիկկայաններ և 57 խմբակի փոխարեն գործում էին համապատասխանաբար 30 լիկկայան և 162 խմբակ³⁵: Ստեփանավանի շրջանում, որը մինչ այդ առանձնապես աչքի չէր ընկնում անգրագիտության վերացման աշխատանքների կազմակերպման գործում, 1931 թ. կար 114 լիկկայան³⁶: Սիսիանի շրջանի միայն Անգեղակոթ գյուղում գործում էր 11 լիկկայան³⁷: Այսպիս-

28 Նույն տեղում, ց. 3, գ. 15, թ. 110:

29 Նույն տեղում, ց. 2, գ. 464, թ. 2:

30 Նույն տեղում, ֆ. 131, ց. 7, գ. 54, թ. 112:

31 Նույն տեղում, ֆ. 132, ց. 1, գ. 620, թ. 2—8:

32 Նույն տեղում, ֆ. 112, ց. 2, գ. 960, թ. 52:

33 Նույն տեղում, ց. 4, գ. 520, թ. 20:

34 Նույն տեղում, գ. 520, թ. 20:

35 Նույն տեղում, ց. 2, գ. 370, թ. 97:

36 Նույն տեղում, գ. 1029, թ. 38:

37 «Խորհրդային Հայաստան», 15. II. 1931:

ւով, շնայած անգրագիտության վերացման գործում առկա ոչ քիչ թերություններին ու դժվարություններին, սովետական իշխանության առաջին տասնամյակում հանրապետության սովետների նպատակաուղղված գործունեության շնորհիվ Սովետական Հայաստանի բնակչության գրագիտության մակարդակը զգալիորեն բարձրացավ:

Անգրագիտության վերացման ուղղությամբ տարվող բոլոր աշխատանքները կոորդինացնում էր Հայաստանի Կենտրոնական կոմիտեի նախագահության նիստերում պարբերաբար քննության էին առնվում անգրագիտության վերացման հետ կապված հարցերը: 1932 թ. սեպտեմբերի 16-ին Հայաստանի Կենտրոնական կոմիտեի տեղական սովետներին ուղղված հրահանգ-ընդհանրականում նրանց պարտավորեցնում էր պատշաճ ուշադրություն դարձնել անգրագիտության վերացման աշխատանքներին՝ գտնելով, որ անթույլատրելի է անտարբերությունն այդպիսի կարևոր գործերում: Նույն ամսի 22-ին Կենտրոնական կոմիտեի կապացնում ԿԱՆ-ի ընկերության նյութական միջոցների ավելացման մասին³⁸:

1932 թ. նոյեմբերի 11-ին ՀամԿԳԿ և ԱՍՖՍՆ Կենտրոնական կոմիտեի նախագահությունները որոշում են ընդունում «Հիմնական տնտեսական կամպանիաները ավարտած առաջավոր գյուղական խորհուրդներին պարգևատրելու մասին»³⁹: Սովետների պարգևատրման կարևոր ցուցանիշ է դիտվում նաև նրանց գործունեությունն անգրագիտության վերացման ուղղությամբ: Այդ որոշումից հետո հանրապետության սովետների միջև ծավալվում է սոցմրցություն, որի հետևանքով հանրապետությունում անգրագիտության վերացման ուղղությամբ կատարվող աշխատանքները նոր թափ են ստանում: Մեղրու շրջգործկոմի նախագահությունը 1932 թ. դեկտեմբերի 5-ի նիստն արձանագրում է, որ շրջանի Լիճք, Կալեր, Ներքին Արևիկ, Մեղրի, Կարճևան, Վարճավար, Փուշկադ (այժմ Ալգեձոր), Ագարակ և Գյուղեմնիս գյուղերը դարձել են համատարած գրագիտության գյուղեր⁴⁰: Ղափանի շրջանային գործադիր կոմիտեի 1932 թ. նոյեմբերի 4-ի որոշման մեջ կարդում ենք. «Աշխատանքի առանցք դարձնելով կուսակցության մարտական պահանջները՝ անգրագիտության վերացման ասպարեզում ձեռք բերվեցին զգալի հաջողություններ: Շրջանի լիկկայաններում ընդգրկված են 7500 անգրագետներ: Մրադրվում է առաջիկա տարիներին լիովին ավարտել անգրագիտության վերացումը շրջանում»⁴¹:

1934 թ. հուլիսի 13-ին Հայաստանի Կենտրոնական կոմիտեն, քննարկելով անգրագիտության վերացման աշխատանքների ընթացքը, արձանագրում է, որ հնգամյակի ընթացքում ձեռք են բերվել զգալի հաջողություններ. մի շարք շրջկենտրոններ և գյուղեր մոտեցել են անգրագիտության լիովին վերացմանը: Սակայն, ինչպես նշվում էր նույն արձանագրության մեջ, առանձին շրջաններում անգրագիտության վերացման պլանները թերակատարվում էին. հանրապետությունում հաշվվում էր 102.941 անգրագետ և կիսագրագետ⁴²: Սա խոսում է այն մասին, որ անգրագիտության վերացման գործում սովետների աշխատանքում դեռևս կային նկատելի թերություններ: Նախ, անգրագիտության վերացման համար մղված պայքարում դեռևս անբավարար էին մասսայական ագիտացիան և բացատրական աշխատանքները: Ոչ բոլոր տեղական սովետներն էին, որ լիկկայանները ապահովում էին շենքերով, վառելիքով, կահույքով, գրենական պիտույքներով: Անգրագիտության վերացմանը խանգարող մյուս հանգամանքը բնակչության որոշ մասի բնակության վայրերի հաճախակի փոփոխություններն էին: Այսպես, անգրագետ քաղաքացին իր բնակության վայրը փոխելով դուրս էր գալիս տվյալ վայրի հաշվառումից և մեծ ձգձգումներ էին ստեղծվում նրան բնակության նոր վայրում հաշվառման ենթարկելու ու լիկկայանում ընդգրկելու հարցում: Այսպես, օրինակ, Գորիսը

38 ՀՍՍՀ ՀՀՍՇ ՊԿԱ, ֆ. 112, ց. 4, գ. 525, թ. 20:

39 Նույն տեղում, ց. 1, գ. 543, թ. 84:

40 Նույն տեղում, ց. 2, գ. 1094, թ. 12:

41 Նույն տեղում, ց. 2, գ. 1104, թ. 151:

42 Նույն տեղում, գ. 462, թ. 19:

1932 թ. հայտարարվել էր համատարած գրագիտության քաղաք, բայց տարվա վերջին շրջանային սովետի հաշվետվության մեջ ասվում էր, որ անգրագիտության իսպառ վերացման գործին ռազմասարար է ազդել ազգաբնակչության հոսունությունը⁴³։ Վիճակը նույնն էր նաև Երևանում։ 1933 թ. ապրիլի 21-ին Երևանի քաղաքային սովետը ԿԱՆ-ի ընկերությանը պարտավորեցնում էր «հաշվառման միջոցով հայտնաբերել քաղաքում եղած նորեկ անգրագետներին և կիսագրագետներին և նրանց ընդգրկել լիկկայաններում»⁴⁴։ Անգրագիտության վերացման անբավարար վիճակի մյուս պատճառն առանձին շրջաններում լիկկայանների աշխատանքային ռեժիմի խախտումներն էին։ Հայաստանի Կենտրոնական Ժողովուրդի կողմից բազմիցս նշվել են Հրազդանի, Ապարանի, Մարտոռանի, Վեդու, Բասարգեշարի (այժմ Վարդենիս) և Թալինի շրջանային գործկոմերի անբավարար աշխատանքը, որոնք պատշաճ ռեժիմով չէին ղեկավարել այդ կարևոր բնագավառը⁴⁵։ Սովետական Հայաստանում անգրագիտության վերացման առանձնահատուկ դժվարություններից էր և այն, որ սկսած 1920-ական թվականների սկզբներից պարբերաբար տեղի էր ունենում սփյուռքահայերի ներգաղթ մայր հայրենիք։ Ներգաղթի նոր հոսք տեղի ունեցավ 1930-ականի առաջին կեսին և առավել զանգվածային դարձավ Լուսապետերազմյան տարիներին։ Ներգաղթածների մեծ մասը գալիս էին Միջին ու Մերձավոր արևելքի հայկական գաղթօջախներից և ճնշող մասով անգրագետ էին։ Այս հանգամանքը հարկադրում էր մի շարք վայրերում, որտեղ անգրագիտությունը համարվում էր վերացված, վերադառնալ այդ հարցին։

Հաշվի առնելով իրադրության ողջ լրջությունը և առկա բոլոր ռեսուրսներով խնայողությամբ սովետներն ավելի են ակտիվացնում իրենց գործունեությունը, որի շնորհիվ հանրապետությունում կտրուկ կրճատվում է անգրագետների և կիսագրագետների թիվը։ Հայաստանի սովետների VIII համագումարը (1935 թ. հունվար), ի մի բերելով անգրագիտության վերացման բնագավառում հանրապետությունում կատարված աշխատանքները, գոհունակությամբ արձանագրում էր, որ եթե 1926 թ. հանրապետությունում գրագետ էր ազգաբնակչության 22,7%-ը, իսկ 1931 թ. 50%-ը, ապա 1934 թ. գրագետ մարդկանց տոկոսը անցնում էր 80-ից⁴⁶։ Ելույթ ունենալով Սովետական Հայաստանի առաջին համաժողովին նվիրված Կենտրոնական Ժողովի նշանակալից նստաշրջանում, ՀԿ(Բ) Կենտկոմի առաջին քարտուղար Ա. Խանջյանը նշել է, որ հանրապետության բնակչության գերակշռող մասը, ռազմա-գրել-կարդալ չգիտեր, իսկ այսօր մտել է լիարյուն կուլտուրական, հասարակական-քաղաքական կյանքի ասպարեզ»⁴⁷։

Ժողովրդական տնտեսության զարգացման երկրորդ հնգամյակի տարիներին սոցիալիստական շինարարության աճը և սովետական պետության տնտեսական հզորացումը նյութական ամուր հիմք ստեղծեցին անգրագիտության վերացումն իր ավարտին հասցնելու համար։ ՀամԿ(Բ) Կենտկոմը և ՍՍՀՄ Ժողովուրդի 1936 թ. փետրվարի 26-ին որոշում ընդունեցին «Անգրագիտության և կիսագրագիտության ուսուցման աշխատանքների մասին»։ Դրանում ի մի էր բերվում մասսայական անգրագիտության վերացման գործում ձեռք բերված հաջողությունները, նշվում, որ տասնյակ միլիոնավոր աշխատավորներ անցել են անգրագիտության վերացման ցանցով, սովորել են գրել ու կարդալ։ Որոշումը հատկապես լուրջ խնդիրներ էր դնում սովետների առջև։ Նրանցից պահանջվում էր լիկկայաններն ապահովել անհրաժեշտ շենքերով, վառե-

43 Նույն տեղում, ց. 3, գ. 438, թ. 8։

44 Նույն տեղում, ֆ. 193, ց. 8, գ. 98, թ. 58։

45 Նույն տեղում, ֆ. 112, ց. 2, գ. 1214, թ. 12։

46 Նույն տեղում, ց. 3, գ. 41, թ. 64։

47 «Խորհրդային Հայաստան», 30. XI. 1935։

լիքով, ուսումնական կահույքով, դասագրքերով և գրենական պիտույքներով: Անգրագիտության վերացման հետագա աշխատանքների իրագործումը դրվում է տեղական սովետներին կից գործող անգրագիտության վերացման սեկցիաների վրա⁴⁸, 1936 թ. մարտի 14-ին ՀՍՍՀ Կենտգործկոմի նախագահությունը, ելնելով Համկ(ր)Կ Կենտկոմի և ՍՍՀՄ Ժողկոմխորհի 1936 թ. փետրվարի 26-ի որոշումից, հանրապետության տեղական սովետներին առաջարկեց սովետներին կից ստեղծել անգրագիտության և կիսաանգրագիտության վերացման սեկցիաներ: Դրանց առաջնահերթ խնդիրը համարվում էր տեղերում անգրագետների և կիսաանգրագետների ճշգրիտ հաշվառում կատարելը և անգրագիտությունը վերացնելու ուղղությամբ միջոցներ ձեռնարկելը⁴⁹: Դրանից հետո հանրապետությունում նոր ուժով ծավալվեց սոցիալիստական մրցությունը՝ շրջանը-շրջանի, գյուղը-գյուղի, խմբակը-խմբակի հետ: Գորիսի շրջանային գործադիր կոմիտեի կողմից այդ բնագավառում աչքի ընկած շատ ուսուցիչներ և նույնիսկ նախկին անգրագետներ արժանացան պարգևների և խրախուսանքի: 1937 թ. փետրվարի 25-ին Միկոյանի (այժմ Նղեգնաձոր) շրջանային սովետի գործադիր կոմիտեն նշում էր շրջանի մի շարք գյուղական սովետների օրինակելի աշխատանքը՝ անգրագետներին և կիսաանգրագետներին գիշերային դասընթացներում ընդգրկելու, սոցիալիստական լայն մրցություն ծավալելու գործում⁵⁰:

1937—1938 թթ. հանրապետության շատ քաղաքներ և շրջաններ մեկը մյուսի հետևից զեկուցում են անգրագիտության վերացման գործում ձեռք բերված հաջողությունների մասին: Շատերն էլ զեկուցում էին այն մասին, որ իրենց մոտ հաջողությամբ ավարտվել է անգրագիտության վերացումը: 1939 թ. անցկացված համամիութենական մարդահամարի տվյալներով Սովետական Հայաստանի բնակչության 83,7%-ը գրագետ էր:

Այսպիսով, ինչպես ամբողջ Միությունում, այնպես էլ Հայկական ՍՍՀ-ում, կուլտուրական հեղափոխության խոշոր նվաճումներից էր անգրագիտության վերացումը: Նրկորդ հնգամյակի վերջին—երրորդ հնգամյակի սկզբներին Սովետական Հայաստանը դարձավ բարձր գրագիտության հանրապետություն: Այդ դժվարին, բայց հույժ կարևոր ու շնորհակալ գործում իրենց արժեքավոր ներդրումը կատարեցին նաև Հայաստանի սովետները:

МЕСТНЫЕ СОВЕТЫ АРМЕНИИ В БОРЬБЕ ЗА ЛИКВИДАЦИЮ НЕГРАМОТНОСТИ (1921—1940)

АЙКАЗ ОГАНЕСЯН

Р е з ю м е

Первоочередной задачей культурной революции в 1920—1930 годах была ликвидация неграмотности. С первых же дней становления Советской власти местные советы Армении приступили к ликвидации неграмотности. Они развили широкую деятельность для обеспечения ликбезпунктов зданиями и преподавателями, необходимыми учебниками, пособиями и т. д.

Под руководством Компартии Армении местные советы с успехом преодолели трудности в деле ликвидации неграмотности, и в конце второй пятилетки Советская Армения стала республикой всеобщей грамотности.

⁴⁸ «Правда», 27. II. 1936.

⁴⁹ ՀՍՍՀ ՀՀՍԾ ՊԿԱ, ֆ. 112, ց. 2, գ. 641, թ. 1:

⁵⁰ Նույն տեղում, գ. 1330, թ. 66: